

商  
南  
縣  
志  
稿  
卷  
三

商南縣志稿  
D 63 15 350  
原 12791

00807

商南縣志第七卷

學校

興起賢才首尊學校虞庠而後世代加隆

知商南縣事西蜀羅



國朝崇師重道典章悉備百年教化淪膚洽髓矣邑廟制

創自明縣令鄭瑛司鐸黃儼記在治之南經始於成化

丁酉冬竣工於己亥秋稱極盛焉明季火於寇順治初

建正殿一楹康熙壬辰縣令于鯨移治之西廟制隘小

缺畧弗如前年來漸次修補尚多未逮云

文廟 在城內治西坐北向南正殿一康熙五十一年邑  
令于鯨建東西兩廡大成門乾隆四年邑令郭堂建  
乾隆十一年捐俸鋪磚墀十二年設木主各棹案門  
憲十三年立照牆又造製丹漆豆器壹百陸拾具

大殿正位

至聖先師孔子 木主定式高二尺三寸七分濶四寸厚

一寸座高四寸長七寸厚三寸 朱地金書

四配 木主定式高一尺五寸濶三寸二分厚五分座

高四寸長六寸厚二寸八分

復聖顏子 宗聖魯子 述聖子思子 亞聖孟子

東西哲位 木主定式高一尺四寸濶二寸六分厚五

分座高二寸六分長四寸厚二寸

閔子騫 冉子雍 端木子賜 仲子由 卜子商

有子若 冉子晳 宰子子 冉子求 言子偃

顓孫子師 宋子嘉

東廡先賢 木主定式與哲位同

蘧 瑗 澶 奎 滅 明 原 憲 南 宮 适 商 瞿

漆 雕 開 司 馬 耕 巫 馬 施 顏 辛 曹 卹

公孫龍 秦商 顏高 穰馬赤 石作蜀

公夏首 后虔 奚容蒧 顏祖 句井疆

秦祖 縣成 公孫句茲 燕伋 樂欬

狄黑 孔忠 公西蒧 顏之僕 施之常

牧皮 申振 左丘明 秦冉 公都子

公孫丑 張載 程頤

先儒 木主定式高一尺三寸四分濶二寸三分厚四

分座高二寸三分長四寸厚二寸

公羊高 孔安國 毛萇 高堂生 鄭康成

諸葛亮 王通 司馬光 歐陽修 胡安國

尹焞 呂祖謙 蔡沈 陸九淵 陳淳

魏了翁 王栢 許衡 吳澄 王守仁

許謙 薛瑄 羅欽順 陸隴其

西廡先賢 木主定式與東廡同

宓不齊 林放 公治長 公哲哀 高柴

樊須 公西赤 梁鱣 冉孺 伯虔

冉季 漆雕徒父 漆雕哆 商澤 任不齊

公良孺 公肩定 鄒單 罕父黑 榮旂



何	羅	范	毅	萬	秦	公	左
基	從	寬	梁	章	非	西	人
趙	彦	寬	亦	周	顏	與	邱
復	李	韓	伏	敦	頤	如	鄭
金	侗	愈	勝	頤	哈	邾	國
履	張	范	后	程	顏	選	原
祥	拭	仲	蒼	顯	何	陳	亢
陳	黃	淹	董	邵	縣	亢	廉
浩	幹	胡	仲	雍	賈	琴	潔
陳	真	瑗	舒	樂	樂	張	叔
獻	德	楊	杜	正	克	步	仲
章	秀	時	子	克	乘	叔	會

胡居仁 蔡清

崇聖祠 在文廟右坐北向南正殿一楹由大成門內西

廡右入

正位 木主同大殿

肇聖王木金父公 正位中

裕聖王祈父公 正位中左

詔聖王防叔公 正位中右

昌聖王伯夏公 正位中左之左

啟聖王叔梁公 正位中右之右

東西配 木主如四配

顏路 曾點 孔鯉 孟孫氏

東西廡 木主如東西哲未建東西廡列木主位亦如

大殿東西哲位

周輔成 程珦 張迪 朱松 蔡元定

歲春秋仲月上丁日致祭先期齋戒二日至日子夜

致祭崇聖祠畢祭大成殿行禮悉遵現頒儀注

大成殿祭品

帛一粉 牛一 羊一 豕一 釧二和羹 簋二黍飯

簋二稻飯 籩十鹽棗栗榛菱芡 豆十韭菹醯醢菁菹鹿醢芹菹  
罇一淨酒 爵三淨酒 大紅燭一對 上好香三柱

四配祭品

每位一案 帛一 豕一 羊一 釧一 簋二

簋二 籩八 豆八 罇一 爵三

東哲位祭品

每二位一案 帛共一 豕共一 釧各一 簋各一

籩各一 籩各四 豆各四 爵各一

西哲位祭品 同東哲

東廡祭品

每二位一案 帛共一 爵各一 豕肉二方

簋各一 籩豆各四

西廡祭品 同東廡

分獻各官各詣十哲兩廡等處依次行禮禮遵現頒

儀注

崇聖祠祭品

帛五 羊一 豕一 鉶二 簋二 籩二 罇一

爵五

東西配祭品

帛二 豕首一 簋一 籩一 籩四 豆四

爵各一

東西從祀祭品 同東西配

崇聖祠祭文 維年月日官某致祭於

肇聖王

裕聖王

詒聖王

昌聖王

啟聖王曰維

王奕業鍾祥光開聖緒盛德之後積久彌昌九聲教所覃

敷率循源而溯本宜肅明禮之典用申守土之忱茲

屆仲春幸修祀事配以

先賢顏氏

先賢曾氏

先賢孔氏

先賢孟孫氏尚饗

文廟祭文 維年月日官某致祭於

至聖先師孔子曰

先師德隆千聖道冠百王揭日月以常行自生民所未有

屬文教昌明之會正禮節樂和之時辟應鐘鼓咸恪

薦於馨香泮水膠庠益致嚴於籩豆茲當仲春祇率

彝章肅展微忱幸將祀典配以

復聖顏子

宗聖曾子

述聖子思子

亞聖孟子尚饗



春祭樂章夾鍾為宮倍應鍾起調 乾隆八年頒

迎神樂奏咸平之章

大哉孔子尺凡六五 先覺先知尺凡六五 與天地參尺凡六五 萬世之師尺凡六五

祥徵麟後尺凡六五 韻答金絲尺凡六五 日月既揭尺凡六五 乾坤清夷尺凡六五

初獻樂奏寧平之章舞寧平之舞

予懷明德尺凡六五 玉振金聲尺凡六五 生民未有尺凡六五 展也大成尺凡六五

俎豆千古尺凡六五 春秋上下尺凡六五 清酒既載尺凡六五 其香始升尺凡六五

亞獻樂奏安平之章舞安平之舞

式禮莫愆尺凡六五 升堂再獻尺凡六五 響場鼓鑄尺凡六五 誠孚壘獻尺凡六五

肅肅雝雝尺凡六五 譽髦斯彥尺凡六五 禮陶樂淑尺凡六五 相觀而善尺凡六五

終獻樂奏景平之章舞景平之舞

自古在昔尺凡六五 先民有作尺凡六五 皮弁祭菜尺凡六五 於論思樂尺凡六五

惟天禘民尺凡六五 惟聖時若尺凡六五 彝倫攸叙尺凡六五 至今木鐸尺凡六五

徹饌咸平

先師有言尺凡六五 祭則受福尺凡六五 四海贊宮尺凡六五 疇敢不肅尺凡六五

禮成告徹尺凡六五 毋疏毋瀆尺凡六五 樂所自生尺凡六五 中原有菽尺凡六五

送神咸平

是禋我我尺凡六五 洙泗洋洋尺凡六五 景行行止尺凡六五 流澤無疆尺凡六五



幸昭祀事凡尺 祀事孔明尺上凡六 化我蒸民尺五凡上 育我膠庠凡六凡尺

秋祭樂章南昌為宮仲呂起調 詞章同前

迎神咸平

六乙上尺 六凡尺上 乙上凡尺 六凡尺尺  
尺凡乙上 乙凡六凡 乙上六尺 乙上乙六

初獻寧平舞同前

六乙上尺 凡乙六凡 上乙凡尺 凡上尺上  
尺凡六尺 上上尺上 六凡乙六 乙上乙六

亞獻安平舞同前

六乙上尺 凡尺乙六 凡尺乙上 尺凡尺六  
尺尺上上 乙六凡六 凡尺乙上 尺上乙六

終獻景平舞同前

六乙尺上 凡尺乙上 尺凡乙六 凡尺上乙  
尺凡六尺 乙凡乙上 尺尺凡六 凡尺乙六

徹饌咸平

六乙上尺 六凡六尺 乙六尺凡 乙上乙六  
乙凡六尺 乙上乙六 尺凡乙六 尺上乙六

送神咸平

六乙上尺 凡六乙上 凡尺尺凡 乙上尺上  
尺凡乙六 六尺乙上 六尺六五 乙上乙六

樂器 邑全無

鼙鼓一 編鐘十六 編磬十六 琴一 瑟一 簫六  
笛六 笙六 鳳簫二 埙一 篪一 搏拊二 祝一  
鼗鼓二 敔一 麾一

舞器 邑全無

旌二 翟三十六 每翟用 雉尾三 簫三十六

乾隆元年每學奉設樂舞生一百二十八人以儒童

充補免其府州縣試徑送院考奏樂時各着有補紅  
袍繫綠袖腰帶帽用裏金銅頂

名宦 邑全未建祠 按例載列

明

原 傑山西人明寇王彪劉千觔嘯聚商州成化

十一年簡重臣便宜行事公以臺憲右職持節

來蒞之單騎入山中宣朝廷威德咸受撫時商

州為商縣嗣改縣為州折州之南為商南城郭

學校戶口賦役使黃茅白蒿之地為聲名文物

名宦

之區無復流離奔竄士民戴德崇祀之詳州志  
鄭瑛字宗玉山東德州人成化十三年改商縣  
為州由商縣調商南考創建縣治碑記允鳩工  
督役掄材陶甃諸需政務夙夜殫力未遑寢食  
祭法云以勞定國則祀之明末兵燹後邑志無  
存今祠未建列之以俟興舉

州志誤鄭為郭  
誤瑛為英

郝宗儒嘉靖二年拓城之西幾二里高二丈池深  
六尺濶一丈  
王舜民嘉靖三十九年改建四城門東曰通知南

曰育流西曰安仁北曰鎮遠

方本清萬歷七年城甃以甃石

按郝王方三邑今州志未詳為何許人能築城  
鑿池固圉以衛國祀典所謂有功於民者也因  
附錄於名宦

國朝

陳遇主字道菴直隸永平府盧龍人順治初蒞茲  
邑僑治於永安寨今皂角舖有順治十年癸巳  
士民立建塔開荒薄賦減引實心愛民德政碑



盧英湖廣天門人康熙十四年吳逆作亂偽將軍湯入寇屯商屬地至十五年九月城陷乃捐軀殉難十七年

勅贈陝西按察司僉事

宋廣業江南蕪州府吳縣人康熙三十三年任葺城建樓招徠開墾士民立祠祀之墜歷山東濟東道

蔡名輔旗人入貲遊大學康熙四十二年授邑令創修衙署設義學勸農桑遷涼州府同知士民

至今德之

程瓚江南蕪州府嘉定人康熙五十五年由太學生治茲土善堪輿開北門以培風脉廉謹仁恕爲政簡約親課農桑視民事如已事遇旱禱輒應歷仕八載卒於官士民流涕稱頌弗朽按宋蔡程三邑令載州職官志政績紀儒學名宦冊未經

題請亦附錄以彰公道以風來茲

按州志云商南知縣自康熙三十年間起以前

無考今邑寺鐘殘碣尚有存者其殆仙靈未泯  
留之以彪青汗耶餘入職官志

鄉賢 邑今未建祠  
按例載列

秦

周 術字元道號角里時人謂之用里先生修道  
潔已非義不動始皇時見秦政虐隱城北雙峯  
今角山漢高聞而徵之不往列四皓之一詳人  
物志

明

南 鏜字彥聲成化庚子舉人甲辰進士仕至太  
僕寺卿歸里累薦不起撫諸弟教姻族鄉人愛  
敬卒賜祭墓州志南氏始祖由華州羅文橋遷  
商南成化十三年後子孫乃居於州詳人物

國朝

高其志字凌霄順治甲午舉人有幹濟才負氣節  
遇事直言不阿筮仕山西夏縣廉正持公歸里  
樂善好施周恤鄉黨訓宗族子弟邑中推為典  
型詳人物

鄉賢

忠義孝弟祠 在黉宮前左側三楹雍正七年建  
節孝祠 在忠義孝弟祠右三楹雍正七年建  
今邑二祠內無奉祀木主按例載列

邑令盧 英於康熙十五年殉難例入忠祠詳名宦  
把總王進才康熙四十五年殉難例入忠祠詳兵防  
義士李三讓於天啟二年拒寇死應入義祠詳人物  
順孫王 官於乾隆五年請建坊俟身後入孝弟祠  
節婦侯李氏於乾隆五年請建坊今身故入節孝祠  
祭忠義孝弟祠文 維年月日官某致祭於

忠義孝弟之靈曰維

靈稟賦貞純躬行篤實忠誠奮發貫金石而不渝義問宣  
昭表鄉閭而共式祇事懋彞倫之大性摯我蒿克恭  
念天顯之親情殷棟莠模楷咸推夫懿德

綸恩特闡其幽光祠宇維隆歲時式祀用陳簋簋來格几  
筵尚饗

祭節孝祠文 維年月日官某致祭於

節孝之靈曰維

靈純心皎潔令德柔嘉矢志完貞全閨中之亮節竭誠致

敬彰閭內之芳型茹冰蘖而彌堅清操自勵奉盤匱而匪懈篤孝傳徽

絲綸特沛乎殊恩祠宇昭垂於今典祇循歲事式薦尊醪

尚饗

守藏

樂器

今邑無舞器今邑無

祭器 舊存帛匣捌件乾隆十三年從州城覓匠造製丹漆新豆壹百陸拾具移送儒學收存

書籍

學政全書壹本

訓飭士子文壹本

樂圖壹本

周易折衷貳拾本

書經彙纂貳拾肆本

詩經彙纂貳拾肆本

春秋傳說貳拾肆本

朱子全書叁拾本

性理精義拾本

近思錄壹本

四書文肆拾肆本

明史壹百貳拾本

科場條例拾貳本

康濟錄陸本

鄉飲儀注壹本

各壇廟儀注壹本

孝經註解壹本

學約壹本

綱鑑正史約拾陸本

大學衍義補陸本

大學衍義貳本

小學纂註肆本

四禮貳本

四禮翼壹本

訓俗遺規貳本

養正遺規貳本



教女遺規壹本 在官法戒錄壹本

從政遺規壹本 餘詳儒學冊

明倫堂 在崇聖祠前 黌宮右後建學舍

學額

廩膳生二十名 率二歲貢一人 錄銀數詳賦役志

增廣生二十名 先後兩次考增准補廩

歲科兩試進文童生共十六名 為附學生

歲試進武童生八名

邑初每試取進二名 弘治十七年商州學正羅整蜀

永川人署商南縣事 請照小學額取進八名 今如額

雍正三年商州改為直隸 設立考棚 歲科連試

學田

地肆拾畝 雍正七年邑令楊毓芳於民報老荒旱地

內撥作學田 詳儒學冊每歲納糧銀壹兩壹錢柒分 州志載學田壹百畝 邑令

楊毓芳勸輸 今查邑無此田畝 疑誤載

國朝制作明倫三年大比而賓興之尚德引年舉行鄉

飲酒禮設書院以育士宣

上諭以勸民皆教化所託也 今鄉飲有儀注書院有學約

宣講責成於約正直月與夫賓興之典悉在有司之  
實心鼓舞而奉行耳附於後

### 賓興

每鄉試年仿古者大比賓興賢能之義速諸生考高  
等者以禮餞送名賓興七月初旬舉行禮久廢乾隆  
十二年丁卯修束訂期專人延請至日鼓樂張掛綵  
聯開儀門迎入偕僚屬公堂設宴東西相向演劇象  
魁持斗筆舞席終諸生行鼓樂彩旗前引至關外送  
各元魁卷貲壹兩是科中第六名舉人姚嘉言邑自

順治甲午高其志捷後今九十三年矣舉人會試由  
縣起文赴省領咨新中者咨發下盤費銀雍正五年  
通省勻撥伍兩有奇本地支扣存留或請領還項

### 鄉飲

雍正元年奉

上諭鄉飲酒禮乃敬老尊賢之古制近聞年久視為具文  
所脩筵宴亦甚不堪應加謹舉行嗣是歲為常每正  
月十五日十月初一日於明倫堂行之凡速賓迎送  
拜坐獻酬以及揚解辭讀律令悉載現頒鄉飲酒禮

儀注是舉也期化民成俗未事當擇人毋濫既事當守禮毋褻事後當自愛毋愆誠如是歲歲由之化民成俗有不還至而立效哉

### 書院

士先品行而後文藝書院之設所以聚人材而砥礪於有成乾隆十一年正月以東關內舊學宮作書院斬棘繚垣建青山書院坊至商州延師訓諸生及邑子弟捐俸供束脩膏火歲夏

陳大中承頒發青山書院各種書公餘詣書院講習奉豫章書院學約爲引入賢關第一策期邑諸生子弟能躬行實踐斯可謂士耳

### 社學

邑城內立書院鄉中子弟有不能負笈來者乾隆十三年查各村有學館外於塢場清油河交界設社學一處於失馬寨東設社學一處悉捐俸延師

### 考試

邑任斯土者招他處人入考或先充書吏辦事本地童生有攻身籍者令承辦書吏事畏莫敢前身籍一

名有司暗取其貲乾隆十三年四月奉文考試余出  
示永禁一不許父兄冒籍於前子弟援例一不許指  
他人墳墓為祖宗一不許依同姓糧戶為本族一不  
許妄指先年紳衿為祖父伯叔一不許捏稱昔曾有  
田地賣與別人一不許串同廩保行賄一不許以酒  
食銀錢央人乞情一不許借書辦名色黃緣入考是  
年五月闈縣生童於治前勒石

借書辦名色入考者出  
示後俱逐回碑因未載

### 講約

邑城內及鄉村各立講約所選貢生庠生老成有學

行者為約正城鄉凡四五人又選樸實謹慎者為直  
月倍約正數每月朔望日率僚屬傳士民集講約所  
陳香案供奉

上諭文武序班行三跪九叩首禮禮畢令約正直月宣講  
上諭二條或四條鄉村朔望宣講如例邑東西南三鄉大  
小共十七村寨自乾隆十一年正月到任酌定東西  
鄉近者五日往還南鄉遠者十日往還每月一鄉一  
次單騎從過歷各鄉村親宣

上諭並將



大憲頒發興除事宜告示仰體就陝言陝更就鄉言鄉  
就人言人就事言事老幼男婦勸欣擁聽三年來地  
方有無起色正足徵奉行之虛實耳

商南縣志第八卷

選舉

登進人才要非一途虞開四門而後賓興三物論秀書  
升尚矣賢良極諫始於漢文郡國孝廉肇自先武繼此  
舉文學以明經爲郎則歲舉限年茂才射策而科目悉  
備隨置進士科唐因之又有秀才明經明法書算之選  
而天子自詔者曰制舉元宗移試禮部武后親臨殿對  
宋變詩賦策論使學者專治經術糊名行之淳化易書  
立之祥符有明取士以經義帖括而薦舉徵辟間行焉

國朝仿其制科貢同升或博學宏詞或孝廉方正或山林  
隱逸用以黼黻太平俾乂民社者也邑成化十三年始  
析商州之南以置縣從前選舉悉入州志而置縣以後  
無所存考今採各志古碑落落如晨星惟確據者始載  
允傳聞記憶均未敢濫列云

明

人材科

邵益 河南上蔡縣知縣

進士

南鐘 成化二十年甲辰進士詳鄉賢人物

舉人

南鐘 成化十六年庚子舉人

李維楨 嘉靖十九年庚子舉人字國典號洽

溪河南孟縣知縣陞直隸保定府通判

國朝

舉人

高其志 順治十一年甲午舉人詳鄉賢人物

姚嘉言 乾隆十三年丁卯亞元

明

拔貢

李朝印 嘉靖庚子拔貢任山西河晉縣知縣

郭純化 萬歷年拔貢任四川太平縣知縣

吳紹泰 萬歷年拔貢任湖廣嘉禾縣知縣

歲貢

王三錫 明歲貢任知縣

曹玘 明歲貢任知縣

陳汝明 明歲貢任知縣

郭景運 崇禎年歲貢任至揚州府通判

李遜之 崇禎年歲貢字希讓號少洲河南孟

縣教諭陞湖廣襄陽府教授

李蒸發 明歲貢生

李天白 明歲貢生

李維精 明歲貢生

國朝

歲貢

魏復泰 順治初歲貢字臨楚河南鄧州學正





武舉

秦元勳 康熙三十二年癸酉科  
張自勝 康熙五十五年丁酉科  
曾第 康熙五十九年庚子科  
郭孝忠 康熙五十九年庚子科

商南縣志第九卷

人物

荀子有言壘土爲山風雨興焉積水爲淵蛟龍生焉邑  
北枕角山南帶兩河清淑磅礴之氣自代生偉人觀察  
薛公云

國朝誕膺景命順先王之道以覺民百年於茲雖僣佻鄙  
濇之俗胥歸醇厚況於近商周聖人之邦者哉明末兵  
燹後邑乘無存州志亦缺畧足先史冊者得搜羅數人  
以紀其槩

虞

昭明 司徒契之子初居砥柱厥後復遷商史記

周

商 高 黃帝之昆孫以地得姓周初封子男於

商精數學周髀衍其說為算經國語曰司商

秦

周 術 秦伯之裔稱角里先生京師謂之霸上

先生修道潔已非義不動避始皇之亂偕妻沙

氏子鳳翔隱城北雙峯今名角山後與夏黃公

東園公綺里李友為四皓隱商洛地肺山以待

天下定漢高聞而徵之不至茹紫芝以終老墓

在商洛鎮州庶常周蒲壁其後也詳宋羅泌四

皓耕高士傳史記及周氏家譜

按古碑陝嶺乃角嶺嶺之西東皆角里也

明

南 鐘 明成化甲辰進士吏部主事郎中陞河

南左布政使以忤逆瑾繫錦衣獄幾死後得免

遷南太僕寺卿竟放歸里瑾敗累薦不起家居

撫諸弟成立建塾以教姻族子弟布衣蔬食鄉

人無不敬愛卒賜祭墓

西安府志  
今核桃園古南庄

李三讓 明天啟二年二月徇寇李史興等三十  
二人從羊園溝入孤山掠財帛婦女李三讓率  
族人計擒賊訛傳賊北奔三讓乃北逐賊逸清  
油河三讓還躡其後至明岬登嶺與賊鬪時從  
者饑方炊三讓衣單衣賊以刀刺身受傷罵不  
絕口子李英秀至持刃殺賊七人餘乃去三讓  
旋死邑令黃養正躬為殮尸具墓族人立祠祀  
之詳孤山父子兵碑記載藝文

### 國朝

高其志 號角山少著文名年二十二遊泮順治  
甲午舉於鄉有幹濟才負氣節遇事直言不阿  
康熙戊辰任山西夏縣廉正持公斷獄明決歸  
里樂善好施周鄉黨訓宗族割土田供各廟香  
燈今孫曹衣衾蕃衍克以忠厚世其家  
魏叔度 字晉公少聰穎善記能詩文清淨寡欲  
不自謀生淡然無求於世以下第罷經生業至  
老猶潛心好古邑後學皆服其多通典籍鄉飲

舉為賓識者一見輒曰今日相逢真解蒙矣

王官字雲紀負性純篤口無失言足無失行

毅然有以自持絕不隨人呼拜處家庭復從容和氣事繼祖母以孝聞視幼叔猶父歷今同居

六世邑孝友第一人家乾隆三年歲薦五年

旌表順孫十年舉大賓鄉飲益運經歷王公廷簡其祖也

### 列女

廉耻者根諸性豈可強哉彼匹婦女子生於閨閫中長於井灶間非能明著衣冠高談仁義也乃之死靡他大

一節皎然其窮餓而不悔視刀鋸其如飴何耶誠以情激於中性不能自己焉耳邑貞魂淪沒罪昔有司彼侯李氏者其全豹一斑耶

### 國朝

#### 節婦

侯李氏節婦李氏年十四歸邑廩生侯肅事舅

姑孝年二十七肅死之嗣氏號慟幾絕欲從亡人於地下者數矣既曰死不自惜而忍今垂白高堂無養耶以姪侯伯章為己子頃之家稍落



氏并曰操作予女紅最辱泮游雖膚指瘁瘵弗  
輟也後舅姑相繼亡氏捐素簪珥脩衾槨以盡  
禮子稍長就外傳時竝其勤情咕嗶不休也則  
棗栗遺之否必令長跼移時且哭且勸以婦事  
代子毋事代父者三十二年前郭令請

旌建坊表其閭乾隆丁卯卒氏生於康熙辛酉壽六十  
有六宅清油河鎮鎮煙火數十家徃來衝道間  
架臺俳優婦女觀者如蟻附氏闔扉端坐未嘗  
從門隙一措趾其淑且慎殆於性之矣余司土

三年聞有關於大節者輒奮筆書之氏如是是  
可以風較諸激烈一時不難自裁以殉者又加  
一等矣乾隆十三年秋爲之置木主入祀節孝  
祠

按州志云商屬烈女較他志爲獨多可以徵商  
俗之貞而不淫矣其間商南無一列入者今父  
老嘗爲余言明崇禎六年十二月流寇行橫狼  
一斗谷掃地王滿天星等破邑城又

國朝康熙十四年吳三桂叛雲南十五年湯偽將軍

九月破邑城二次婦女罵賊受戮投城投井自  
刎自縊者不一其人當時筆無紀載事後有司  
弗詔訪詳達燐火霜月夜青呻吟春秋祭祀日  
當仰望長空灑一滴以告曰貞魂來享庶可愧  
當時有司於地下以慰烈婦女之仙靈於天上  
也耶

